

## FILEMÓN Filemóntaj Pabla o'nigmadoya'uyate.

### *Filemóntaj Pabla o'nigmadoya'uyate.*

<sup>1</sup> Do Pablo ijjēy. Cristo Jesústaj ijnigpēika'po Roma aratbuten huabakuda' jakyo ijikay. Do'hued huama'buy Timoteoere ijjēpo o'nigmadoya'ne. Q'na Filemón huadi'da o'ene, oro'omeyere huadak hua'a huamanbatia'pakeri i'ene.

<sup>2</sup> Kenpa'ti Cristotaj huaknopoe'eri o'nen jakyo ogkupopakika', kenomeytaere o'nigmadoya'ne. Kenpa'ti oro'omeyen huaidpo Apiataj Arquipotakon o'nigmadoya'ne. Arquipo konig Cristoen huanaba' oro'ere huadak hua'a o'manbatia'pakika'.

<sup>3</sup> Oro'omeyen Apag Diosere Huairi Jesucristoerea opudomeytaj o'matinepahui'po mo'nopo'durugpake'po mo'nopo'noeye'po.

### *Huaknopoe'eritaj Filemóna di' o'maika'po Huairi Jesústaj daka'oknopoika'ne.*

<sup>4-5</sup> Diostaj huaknopoe'eri aya'tada on Filemón di' i'maika' kenpa'ti Huairi Jesústaj daka' iknopoika' o'tipee'uyyo Diostaj ijtiona'pakpo do'hued Diostaj dakiti yona'ikay.

<sup>6</sup> Huairi Jesústaj daka' iknopoika'nok aratbuta 'urua'nanada o'noknopoika' kenpa'ti Cristotaj on'eretpakpo daka' on'nigpēika'. Cristo Jesústaj o'noknopoēpo durugda o'neonhuahuika'apo

kenpa'ti Diosa daka' mo'nigkika'apone kan'nope'po ijmanigtiona'pakikay.

7 Huakka' huaknopoe'eritaj di' i'maepo i'batihuapokika'nok nogiti nogiti daka' Diostaj o'noknopoe. Kenda ijtipee'epo Diostaj nogiti durugda ijje'y kenpa'ti nogiti Diosen e'kika'ta' ijpaki.

*Konig do'taj oe'uynig, konigti o'nen huanaba' Onésimotaj daka'yae'ti' Pabloa Filemóntaj ona'uyate.*

8 Cristoen huata'mona'eri ijje'po "Onésimotaj daka'yae'," ona'dik ee'pi' o'enig'a

9 di' i'maika'nok "E'paknayo Onésimotaj daka'yae'," ona'ne. Do Pablo ijje'y. Tone'bokerek ijje'po Jesucristotaj huadak hua'a ijmanmadikika'po oyda huabakuda' jakyo ijikay.

10 "Onésimotaj 'urua'da yae'." Kenda huakka' ijpakpo ona'ne. Iyo huabakuda' jakyo ijje'po Jesucristotaj do'hua e'manmadika'te oknopoe'uynok Onésimo konig do'huedsionig o'e konig ke'nen huaojonig ijnig'uynok.

11 A'nenda Onésimo o'nen huanaba'a ontaj nigpee'hue' e'eada oynayo ontaj kenpa'ti do'taj e'nigpee'ta' o'pakika'. Oy Cristotaj huaknopoe'eri o'epo ontaj e'nigpee'ta' o'pak.

12 Onte kahue'po ijta'monay. Onésimotaj 'uruteda yaeti'. Konig do'huednopo' o'nigta'mona'nigtaj di'nanada Onésimotaj yae'.

13 Jesucristoen huadak hua'a ijmanbatia'pakika'uynok bokudame'nok huabakuda' jakyo ijjunhuay. On iyo ee'nayo do'taj o'tihuapokika'ayetnig'a iyo ehue' i'enok

ontehuapa' o'nen huanaba' Onésimo do'taj be'tihuapokike' do'hua e'pakada

14 "Katihuapoke'po me'tatōe'," onahue' o'uy<sub>n</sub>ok kenpa'ti kenta' i'paketpi' onte ijnigta'mona'apoy. Katepi' do'taj nigka'dik me'ene ena'ta' pakhue' o'ene.

15 Diosa o'paknok oy kenpa'ti nogok nogok onere onte'ti Onésimo o'unhuahuika'apo konigepopi' ontaj sue'da huapuugte o'bakhua'uyate.

16 O'nen huanaba' i'taeonhuahuika'aponig'a huanaba'yo'da ehue'dik i'taeapo. Konig o'nen huadi'nanada huama'bueykon i'taeapo. Do'hued huama'buy konig ijtaepo huakka' di' ijje<sub>y</sub>. O'nanayo Onésimotaj nogiti di' yae'. Ken o'nen huanaba' i'tae nogiti di' yae'. Ken Huairi Jesucristotaj huaknopoe'eri huama'buy o'enok nogiti di' yae'.

17 Ken Jesucristotaj oro' onokteyo' oknopoe<sub>po</sub> konig do'taj daka' be'ika'nig konigti Onésimotaj daka'yae'.

18 Ontaj a'nenda Onésimo dakhuea' eka'nayo dehuea' ee'nayopi' do'hua o'yokapone.

19 Do Pabloa huaba'a o'nigmadoya'ne. Kenda Onésimo dehuea' o'epo ontaj o'yokapone. Jesucristoen huadak hua'a ontaj ona'uy<sub>n</sub>ok iknopoe<sub>po</sub> Diosere i'noeonhuahuika'apo. Konigepo do'taj dehuea' o'ene. Kenda on i'nopoika'nok onahue'dik o'ene.

20 Ee', eg' do Huairi Jesústaj yoknopoe<sub>po</sub> do kanopo'durugpake'po huaknopoe'eri huama'buy i'epo Onésimotaj daka'yade'ti'.

21 Kenda ona'nig i'nigpeeapone daka' ijnopoe<sub>po</sub>

o'nigmadoya'ne. Kenpa'ti nogiti menigka' ena'nayo o'nigka'apone daka' ijnopöey.

<sup>22</sup> Onésimotaj ee'te kenpa'ti do'taj o'nen jakyo adkorepen huatay daka' menigkati'. Do'tehuapa' on'tiona'pakika'nok Diosa me'orokapetpi'. Ijorokpo opudomeytaj huahua'dik ijjeapetpi'.

*Saludos on'manigdikta'mona'po kenpa'ti Huairi Jesucristo daka' kan'maike'po.*

<sup>23</sup> Epafras Cristo Jesústaj oknopoönok kenpa'ti o'nigpeika'nok doere huabakuda' jakyo o'epo opudomeytaj saludos o'manigdikta'mona'.

<sup>24</sup> Marcos Aristarcoere Demasere Lucasere doere huadak hua'a on'manbatia'pakika' saludos o'manigdikta'mona'.

<sup>25</sup> Oro'omeyen Huairi Jesucristoa opudomeytaj daka' kamanike', ken.

**Jesucristo oy oa'pak: Kenda Jesucristoa;  
monigka'uyatenok; Diostaj  
mo'manopo'yarea'ika'ne**

**New Testament in Amarakaeri (PE:amr:Amarakaeri)**

copyright © 2008 Wycliffe Bible Translators, Inc.

Language: Amarakaeri

Translation by: Wycliffe Bible Translators, Inc.

Amarakaeri [amr], Peru

**Copyright Information**

© 2008, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Amarakaeri

© 2008, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2024-02-11

---

PDF generated using Haiola and XeLaTeX on 18 Apr 2025 from source files dated 29 Jan 2022

86e43144-8403-5994-a826-4a127b2f67da